

# DE MOTV CORPORVM SVPER PLANO HORIZONTALI ASPERO.

AVCTORE

*L. Euler.*

## §. I.

**Tab. v.** In omni corpore duplēcē inesse posse motum , alterum progressiuū alterum rotatorium tam experientia quam ipsa rei natura luculenter euincit , omnisque motus quem quidem corpus suscipere potest , vel est progressiuū tantum , vel rotatorius tantum , vel ex utroque mixtus . Hinc vnius cuiusque corporis motum distincte cognoscitis , qui tam quantitatē utriusque motus , qui in illo corpore inest , quam rationem determinationis perfecte assignare valet . Loquor hic autem de corporibus solidis seu rigidis , quae nullius motus intestini , quo partes corporis situm inter se mutuum mutant , sunt capaces , vel saltem de talibus corporibus mihi sermo est , in quibus eiusmodi motus intestinus vel actu non datur vel non spectatur . Quodsi enim corpora vel fluida , vel mollia , vel flexibilia proponantur , tum ad eorum motum distincte intelligendum vniuscuiusque partis motum cognosci oportet , donec perueniatur ad partes tam minutās , in quibus motus intestinus amplius omnino non est . Hocque pacto omnis motus cognitio perducitur ad duo illa motus in corpora solida cadentis genera , quae initio commemorauī .

§. 2. In quolibet vero corpore motus progressiuū tantum inesse dicitur , si omnes corporis partes aequali